



UNIVERSITÄTS-
BIBLIOTHEK
PADERBORN

Tractatvs De Censvris Romano Pontifici Reservatis

Ugolinus, Bartholomaeus

Venetijs, 1609

De excommunicatione, & alia censura latis contra appellantes ad futurum
concilium. Cap. II.

[urn:nbn:de:hbz:466:1-61365](#)

Credo & vnam san&am Ecclesiā catholicam, atque sic dixit Cajet. in eodem versic. Id autem & factis, & dictis declarabitur. ¶ Quare Elisabeth asserta Regina Angliae, quæ modo cum tanta nominis christiani iactura vivit, schismatica est, & hæretica, schismatica, quia separauit se ab unitate Ecclesiæ tam quo ad Caput, quā quo ad membra, hæretica, quā niam aliam Ecclesiā a Romana facit, & se ipsam aliud caput constituit. Hi omnes ergo in excommunicationem hanc incident. Hæc sunt, quæ de primo hoc capite habuimus, iam ad alterum veniamus.

*De excommunicatione, & alia censoria
tis contra appellantes ad futurum concilium.*

Cap. II.

Item excommunicamus, & anathematizamus omnes, & singulos cuiuscunque status, gradus, seu conditionis fuerint, Vniuersitates vero, & capitula, quorumcunque nomine nuncupentur, interdicimus ob ordinationibus, seu mandatis nostris, ac Romanorum Pontif. pro

tempore existentium ad vniuersale futurum cōcilium appellantes. Nec non eos, quorum auxilio, vel fauore appellatum fuerit.

S V M M A.

- 1 Appellatio a Romano Pont. ad futurū concilium cur prohibita sit.
- 2 Appellatio fit, a minori ad maiorem.
- 3 Papa immediatus Christi Domini Vicarius est.
- 4 Papa Ecclesiæ Caput est constitutus.
- 5 Papa a nemine iudicuri potest.
- 6 Concilium an sit supra Papam, magna olim contentio erat.
- 7 Appellatio ne interponatur a Papa ad concilium, quando definitum sit.

IN hoc capite excommunicantur, & censuris afficiuntur appellantes a Papa ad futurum concilium, nec non ipsis fauentes. Dividitur autem in tres partes, quarum secunda incipit ibi, Vniuersitates uero, tertia ibi. Nec nō eos, sed iam de prima agamus, in qua excommunicantur singulares personæ ad futurum Concilium a Papa appellantes. Verum, quo rem hanc faciliorē reddamus, præmittenda hæc sunt. Primum cur Ecclesia appellationem hanc prohibuerit. Deinde, quando. Postremo Bulla hæc quid noui addat.

Quo-

- 1 Quoad primum igitur † sciendum est ob id Ecclesiam appellationem hanc prohibuisse , quoniam eam permittendo , fateri etiam simul videbatur Concilium maius , atque superius esse
- 2 ipso Roman. Pontificis nam appellatio ab inferiore ad superiore fit , ut habetur in cap. 2. & ibi no. Gloss. in verb. Officiali , de consuetud. libro 6. & sequuntur ibi Philipp. Franc. in versicul. Tertio no. & in versicul. Secundo not. ex Gl. & Gemin. in versicu. Not. vnum, idem habetur in leg. 1. §. si quis in appellacione. ss. de appellat. & ut tradidit Abb. in Rubr. de Appel. nume. 2. communis denique DD. sententia hæc est , sed quia hoc in detrimentum , ac dedecus Romani Pontif. redundabat , † qui Christi Domini Vicarius proximus ,
- 4 & immediatus est , † qui ab eodem Ecclesiæ Caput est constitutus . cap. non decet , dist. 12. & cap. Sacrosancta. distin&. 22. Vnde a Christo Domino dictum est Petrus , tu vocaberis Cephas , quod significat latine idē , quod caput ; & eidē dictum est : Pasce oves meas ,
- 5 † quamobrem & a nemine iudicari potest , capitu. nemo , cum multis sequen. 9. quæs. 3. ob eam rem ne Apostolicæ Sedi iniuria hæc interrogaretur , & a nemine iudicari posse dignosceretur , censuris propositis , ac pœnis cautum , ac prohibitum est per hanc Bullam , ne ad futurum concilium appelletur.

Quoad secundum multo ante definitum id est , † nam cum magna esset contentio de hoc ob id , quod concilium supra Papam esse nonnulli existimabant , ut habetur apud Panorm. in suis quæstionibus , in t. q. dub. 2. & apud Vgonium Episcopum Famagusta num in Tractatu de Conciliis , capitul. Appellatio ad concilium a Papa , & apud Caieta. in Tractatu de auctoritate Papæ , & concilij , Cap. 1. cum multis seq. Tractat. 1. apud Tabie. in verb. Concilium numero 14. cum sequent. & ut refert Nauart. in Glos. Summ. numer. 32. de pœnit. distin. 5. ubi ait Italos ferè omnes in hac sententia esse , ut Papa supra Concilium sit , scholam vero Parisiensem cum tota Gallia contrarium assertere ,

7 † ob eam rem Pius Secundus indicata Congregatione Mantua communis Cardinalium , cunctorum prælatorum , ac diuini , & humani iuriis interpretum Curiam Romanam sequentium , approbatione , prouocationes hasce ad futurum concilium damnavit , & sub poena excommunicacionis latæ sententiaz , & interdicti præcepit , ne qua persona cuiusvis dignitatis , vniuersitasve quovis colore quæsito appellaciones has interponeret , & contrafacentes statuit reos etiam esse pœnarum læse maiestatis , & hæresis , quibus pœnis eos quoque affici voluit , qui his fauerent , auxiliumve ad id præstareret ,

ut habetur in sua constitutione, incipit Execrabilis, & pristinis tem-
poribus inauditus, lata Mantua
1459.15, Calend. Februarii Pont.
sui anno secundo, quam confor-
mauit, & ampliauit Iulius Secun-
dus per aliam constitutionem la-
tam Romæ 1500, Nonō Calend.
Iulij. Pont. sui anno Sexto, incipit.
Suscepti regiminis nos cura soli-
citati. Prioris autem constitutio-
nis meminit Caietæ, in Summ. in
verb. Excommunicatio, capit. 25.
& Sylvestri in verb. excommunica-
tio. 7. in fine: & Nauarr. in Com-
mentario de Datis, & promiss.
not. 8. propè finem, & not. 26. nu.
43. versi. Tertiò quod consulens,
& in Man. cap. 27. num. 58. Ex his
iam pater, quamobrem Ecclesia
id prohibuerit & quando, quæ
duo proponenda nobis proposui-
mus, iam tertium aggrediamur,
scilicet quid novi hæc Bulla ad-
dat. Quoad hoc igitur constitutio-
nes prædictorum Roman. Pontif.
vberiores sunt, ut ex ipsis constat
quoad poenas; Bulla vero hæc re-
strictior est quoad absolutionem
excommunicationis, quandoqui
dem quoad hoc omnia priuile-
gia tollit, sicut etiam quoad incur-
rendum in ipsam, ut suo loco vi-
deimus, cum per ipsis constitutiones
reserueretur tantum absolu-
tio Rom. Pont. non autem priuile-
giis derogeratur. His sic præmissis,
iam regulam de more ponamus.

S V M M A. go sit m b
Appellans ad futurum concilium a
Papa, in excommunicationem inci-
dit, quæ regula declaratur, quo usque
pareat.

2 Supplicare licet Pontifici.

3 Supplicari ei potest, a quo appellari nō
licet.

4 Appellans a quo usque alio, præterquam
a Romano Pont. in excommunicatio-
nem non incidit.

5 Papa errans admoneri potest.

6 Papa an resisti possit, si iniquam sen-
tentiam contra aliquem ferat, in exe-
cutione.

¶. Præmissa causa, quamobrem
Ecclesia appellationem a
Papa ad futurum concilium
prohibuerit, iam, qui contrafaciē-
do in excommunicationem hu-
ijs Bullæ incident, videamus.

In excommunicationem hanc
igitur tñ incident, qui a Papa ad fu-
turum concilium appellant, ut ha-
betur expressum hoc in initio hu-
ijs capitï propositi. Quæ excom-
municatio omnes afficit, & quo
cumque, cum ob dictionem illam
omnes, quæ neminem excludit, ar-
gumenti Julianus ff. de lega. 3. &
capi. si Romanorum dist. 19. cum
ob dictionem illam singulos, nam
ex quo singuli in excommunica-
tionem hanc appellantes inci-
dunt, ergo & omnes. Quæ dictio
fin.

singulos, necessario adhibita non est, quoniam dictio illa omnes, singulos complectitur, & quoscunque, & per dictionem illam omnes, non comprehenduntur vniuersitates, quandoquidem ipse non excommunicantur, ut habetur in capit. Romana. §. in vniuersitatem de sentent. excommunic. libro 6. & nos abunde in Tractatu nostro de censuris in Tab. 2. Addita ergo est dictio illa singulos, vel ut apertius, quid altera dictio ne omnes, comprehendatur, dignosceretur, vel ne quis existimat dictione illa Omnes, comprehendendi vniuersitates, ut quidam voluerunt, & existimarent, sed non recte, cum id sua vi non comprehendat, ut asseruit Quin. Mandos. in Tractatu de Commis. Commis. 2. in verb. omnesque, & in verb. singulos, vbi & alios quam plurimum sentientes refert, idque merito, nam dictio illa, omnes, est signum vniuersale quod adiecum alicui, facit, ut singula eius comprehensa intelligentur, ut docent Logicæ artis Magistri, nō autem est nomen vniuersitatis. Dum igitur Bulla excommunicat omnes, & singulos, copulam illam, Et, pro idest, interpretabitur, hoc enim quoque aliquando significat, ut habetur in Institu. de tut. §. 1. ibi, Est autem tutela ius, ac potestas, nam dictio illa, Ac, pro idest, ponitur, ut ibi no.

Secundo excommunicatio hęc afficit appellantes cuiuscunque

status sint, scilicet vel clerici, vel laici, nam ex quo excommunicat singulos cuiuscunque status haec Bulla, ut habetur ibi, singulos cuiuscunque status, status hominū bipartitus est, nam alii sunt laici, alii sunt Ecclesiasticae personae, ut habetur in cap. duo sunt gene. 12. q. 1. ergo omnes comprehendit, atque sic habetur in Bulla Pij 1. & Iulij 11.

Tertiò afficit homines, cuiuscunque gradus sint, ob uerbum il lud Gradus, nam, cum excommunicantur tam laici, quam Ecclesiasticae personae, ut proxime probauimus, in utroque horum diuersi gradus sunt, in Ecclesiasticis enim personis post Romanum Pontificem in his semper excipio, in Ecclesia, inquam, diuersi gradus sunt, tam ratione dignitatis, quam ordinis, & religionis, sunt enim Cardinales, sunt Patriarchæ, Archiepiscopi, Episcopi, Abbates, Archipresbyteri, presbyteri, & alii clerici inferiores: in religionibus quoque varij gradus. In laicis quoque tantundem, adeo enim Imperator, adiungunt Reges, Dukes, Marchiones, Comites, iudices, & alii in dignitate positi, itē & priuatæ personæ, hi omnes ergo appellantes Romano Pontifici ad futurum concilium in excommunicationem hanc incidunt, ex quo excommunicantur omnes, cuiuscunque gradus sint, atque sic habetur in eis. Bullis Pij Secundi, & Iulii Secundi.

Quar-

Quarto in excommunicacionem incident, vel viri, mulierel-
ve sint, vel liberi, vel serui, ex quo enim Bulla excommunicat omnes cuiuscunque conditionis, ut habetur in ipsa ibi, seu conditio-
nis, conditio vero hominum sic huiusmodi, ut partim liberi, par-
tim serui, ut habetur in Institut. de iu. pers. partim viri, partim mu-
lieres sint, ut per se patet, iure om-
nes hanc Bullam offendentes in
excommunicationem hanc inci-
dunt, ut habetur in capitu. mulie-
res, & in c. de monialibus, & in c.
relatum. de sen. excom. ergo idem
& hic, non enim ratio alia contra
rium suadet, & pertinent hic, que
dixit Mandoss. in ead. commiss. in
verb. Omnes, in vers. vnde vel per
sonæ.

Quinto in excommunicacionem hanc incident, vel ab ordina-
tionibus, vel a mandatis appelle-
tur, ut habetur in Bulla, & ob
id siue a generalibus, siue a specia-
libus appelletur, atque idcirco ab
eius sententijs, admonitionibus,
censuris, & poenis, tum quod &
haec ordinationes, ac mandata
sunt, & eadem ratio in omnibus
his viget, ut per se patet, ergo &
eadem dispositio vigere debet. ar-
gumen. capitu. cum dilecta, de co-
firmat. vtil. vel inutil. & leg. illud.
ff. ad leg. Aquil. tum quod expre-
sa haec habentur in citat. Bullis
Pij Secundi, & Iulij Secundi. Que
diximus autem, locum habente
tiam, si quis ad Concilium præ-

sens appellat, quicquid dixerit
Jacob. de Graff. libr. 4. decis. cas.
conse. in explicatione Bullæ Co-
næ Domini. numer. 46. tum quod
ratio prohibitionis, & hic viget,
ergo & dispositio. argumen. leg. il-
lud. ff. ad le. Aquil. & eorum que
dixit Guid. Papa decis. 373. tum
quod idcirco ad futurum concilium
appellantem excommunica-
uit Bulla, quoniam raro contin-
git concilium hoc congregatum
esse, vbi quis appellat, led non ob
id excluditur, qui appellans ad
concilium iam congregatum in
excommunicationem hanc inci-
dat. argument. l. vnic. iun. & Gloss.
sponsam. C. de rapt. virg. Hi om-
nes ergo in excommunicacionem
hanc incident, iam eos, qui
poenam hanc euadunt, explice-
mus.

Primum igitur in excommuni-
cationem hanc non incidit, ¶ qui
contra ordinationes Romani Pô-
tit. præces eidem offert, id est sup-
plicat, ut vulgo dicitur, ut exem-
pli gratia, Romanus Pontif. ad tri-
remes quem damnavit, is ergo co-
demnatus poterit Romano Pont.
supplicare, quo eam poenam sibi
3 remittat, nam ad ¶ omnes præces
offerre possumus & supplicare, a
quibus appellare non licet, ut ha-
betur in le. si quis aduersus, & ibi
not. Ias. num. 1. C. de prec. imper.
off. & ut dixit de Papa, Stephanus
Anfrer. ad decis. Capell. Tholosa.
dec. 479. ver. Secundo capitul sup-
plicatio. Idque iure merito, nam
per

per supplicationem hanc non adi-
tur alius superior iudex, sed idē,
vt citati autores in ijsdem locis
inquiunt, & ob id non sit iniuria
Apostolicæ sedi, quæ per appella-
tionem fieret.

4 Secundo loco f in excommuni-
cationem hanc non incidit, vbi
appellat quis ab aliis iudicibus
inferioribus Apostolicæ sedis, vel
sint legati è latere, nam solum
Bulla loquitur de appellat a Ro-
mano Pontif. ergo secus de aliis.
argumen. capitu. non ne. de præ-
sumpt. & l. cum prætor. ff. de iudi.
Quamobrem nec appellans a col-
legio Cardinalium sede vacante,
in excommunicationem incidet,
atque sic sensit Iacob. de Graff. li-
bro 4. deci. cas. conse. in expositio-
ne Bullæ Cœnæ Domini. nume-
ro 44.

Tertio in excommunicationē
hanc non incidit, qui appellat a
sententiis, & ordinationibus Im-
peratoris, vel Regum, & aliorum
inferiorum iudicū, tum quod
cessant rationes in his, quæ prohi-
bent appellationem a Romano
Pontif. argument. capitul. 2. de re
iud. libro 6. tum quod nec de his
Bulla loquitur, ergo nec nos lo-
qui debemus. argument. l. de pre-
tio. ff. de publ. in rem act. etenim li-
mitata causa limitatum producit
effetum. arg. l. in agris. ff. de acq.
rer. do.

5 Quarto f in excommunicatio-
nem hanc non incidit, si ipsum
errante in aliqua re quis admō-

neat, nam et si, vt Papa in iis, quæ
fidei sunt, errare non potest, vt co-
munis Theologorum schola do-
cet, si tamen, vt singularis perso-
na erret, admoneri potest, vt dixit
Syl. in verb. Concilium. numer. 8.
vers. Quinto.

6 Quinto f in excommunicatio-
nem hanc non incidit, qui iniquā
sententiam a Roman. Pontif. ha-
buit, si in ea executioni resistit. Si
ergo regno iniustè quem priuet,
quod se, suaque tueri licet, cap. di-
lecto. de sent. excom. li. 6. & clem.
pastoralis. de re iud. resisti ei po-
rit.

Postremo in excommunicatio-
nem non incidit, qui iniustè re ali-
qua priuatus tantundem ipsi si-
ne scandalo adimit: sed de priori
huius Capitis parte haec tenus, ad
alteram veniamus. Si illud addi-
derimus appellantem ad conciliū
prouinciale, non incidere in ex-
communicationem, quoniā Bul-
la de cōcilio vniuersali loquitur,
atque sic dixit Iacob. de Graff. ibi-
dem num. 45. repugnat tamen ra-
tio, immo maior, quam in priori
casu, ex quo Romanum Ponti. in-
feriorem prouinciali Synodo fa-
cit, quæ est inferior generali. Quæ
re contrariam opinionem verio-
rem sentio, & ob rationem reddi-
tam a nobis in alio casu in capite

71. Go. nup. vna bullæ in esse
ordine aperte, ut illi mihi quoq;
socij menz. omnes illuc audire
tronc. et r. illo. emul. p. q.
quod uero di. mei res. et nullum

Vers.



Vers. Vniuersitates verò ,
Collegia , & Capitula ,
quocunque nomine nun
cupentur , interdicimus
ab ordinationibus , seu
mandatis appellantes.

S V M M A.

- 1 Collegium quid sit.
- 2 Vniuersitas interdici , non excommu
nicari potest , & quamobrem .

IN hac postrema parte huius
capitis interdicuntur uniuersi
tates quæ ab ordinationibus , seu
mandatis Roman. Pontit. ad futu
rum concilium appellantur , ut ha
betur in versicu. proposito , quod
& per Bullam Pij Secundi , & Iu
lij Secundi factum est , quas & sa
pra meminimus . Verum , quo rei
huius cognitionem uberiorem ha
beamus , præmittenda duo sunt ,
Primum Collegia , & capitula , seu
uniuersitates quid sit . Postremò
cur uniuersitates interdicantur
per Bullam , non autem excom
municentur , sicut singulares per
sonæ , de quibus antea egimus .

- 1 Quoad primum igitur Collegium , seu Capitulum , vel uniuer
sitas nil aliud est , quam corpus
quoddam fidum ex pluribus ho
minibus constans uno nomine co
prehensem , ut colligitur ex l. rerū
mistra . S. tertium . st. de usucap.

& huiusmodi uniuersitates mo
do dicuntur Collegia , ut Colle
gium doctorum , modo Capitula ,
ut Capitulum canonicorū ecclē
siae Cathedralis , de quibus habe
tur in tit. de ijs , quæ fiunt a maio
part. capi . modo Communities ,
& Parlamenta ; quæ sunt consilia
civitatum , ut habetur etiā in Bu
lla Iulij Secundi , quam supra me
minimus .

2 Quoad alterum autem ob eam
rem Collegia , & uniuersitates hu
iusmodi interdicto subiectæ , non
excommunicatae sunt , q. oniam
ordinario iure uniuersitas excom
municari non potest , ut habetur
in cap. Romana §. in uniuersitatē
de sentent. excommun. lib. 6 . & ut
nos id pluribus probauimus in
Tractatu nostro de censuris , capi
26. Tab. 2. Quamobrem autem id
factum sit ea ratiō est , quoniam ,
cum excommunicatio omnium
poenarum , quas inurit Ecclesia ,
grauiſſima sit , ut habetur in capi.
corripiantur . 24. quæſt. 3 . & nos id
probauimus in ead. Tab. 2. capi
ultimo . §. ultimo . nu. 8 . & sub uni
uersitate comprehendantur di
versi generis homines , & quod a
maiori parte sit , ab omnibus fa
ctum esse censeatur , argume. tot
tit. de ijs , quæ fiunt a maio . par. c.
contingeret sepius innocētes , qui
neque consilium ad id dederunt ,
neque consensum præstiterunt , &
ob id innocentēs sunt , grauiſſi
ma hac pena puniri , ut habetur
in cit. cap. Romana §. in uniuersi
tatem ,



tatem, ne igitur in tantam penam quis innocens incideret alterius culpa, ob eam rem factum est, ut uniuersitates non excommunicetur, & ne impunes abeant, altera leuiori poena interdicto scilicet subijciantur. Quid autem interdum hoc operetur in uniuersitate, abude nos id egimus in Tractatu nostro de Censuris, capitulo. 12. T. bull. 5. His ita premissis, iam regulam, ut moris nostri est, ponamus.

S. V. M. M. A.

1. Vniuersitas in interdictum incidit appellans a Romano Pontif. ad futurum Concilium, quod interdictum, quousque pateat, etiam declaratur.
2. Vniuersati appellans ad futurum concilium a Papa quando in interdictum non incidat.
3. Vniuersitas appellanti ad futurum concilium a Papa fauorem prebēs in quam penam incidat.

§. Collegium, seu uniuersitas quid esset uidimus, iam quādo in hoc casu Bullam offenseris in interdictum incidat, videamus. Vniuersitas igitur in interdictum incidit, quę a Romano Pontif. ad futurum concilium appellat, ut habetur id expressum in Bulla. Quę regula locum habet, uel uniuersitas laicorum, uel clericorum sit, Bulla enim simpliciter,

& generaliter loquitur, ergo simpliciter, & generaliter intelligi debet. argu. i. §. & generaliter, ff. delegat. præstan. & l. de pretio. ff. de publ. in rem act.

Item locum habet, quocūque nomine nuncupetur, scilicet uel Collegium, uel Capitulum, uel Consilium, uel Parlamentum, uel Communitas, ob uersic. Quocunque nomine nuncupentur, id que merito, nam (modo uniuersitates sint) nihil interest, uoluit enim Bulla uniuersitates interdicto subijcere, ut ex dictis patet, & ex cista. Bullis Pij Secundi, & Iulij Secundi.

Tertio locum habet interdictū hoc, esto singuli omnes de uniuersitate non cōsenserint, sed maior tantum pars, nam nihilominus uniuersitas interdicto subiecta erit, quandoquidem, quod sit a maiori parte uniuersitatis, ab omnibus factum esse censetur, ut habetur in l. quod maior, ff. ad municip. de incol. & in tit. de ijs quę fiunt a maior. par. capitul. Quare, esto innocentes aliqui sint, interdicto tamen subiecta uniuersitas erit.

2. In hoc tamen interdictum uniuersitas non incidet, ubi a maiori parte uniuersitatis appellatū nō fuerit, nam tunc ab uniuersitate id factum non dicitur, vt habetur in eo. tit. de ijs, quę fiunt a maior. part. cap.

Item in interdictum non incidit, ubi legitimè congregata non

non est, nam nec tunc, quod sit,
ab vniuersitate factum id dicitur,
quaæ autem necessario requi-
runtur, quo ab vniuersitate facta
legitimè dicantur, posuimus in
Tractatu nostro de Censuris. cap.
6. §. 1. Tab. 1. Atqui, an singuli, qui
auctores fuerunt, ut appellaretur,
interdicti nihilominus erunt? E-
go censeo, hos excommunicatos
esse, nam, ex quo ab vniuersitate
appellatio facta dici non potest, &
singulis facta esse dici necesse est;
valet enim argumentum a partiâ
enumeratione. argumen. §. adio-
num. in Institut. de action. at singuli
sic appellates, id est singulares per
sonæ ratione hac appellantes in
excommunicationem incident, ut
supra vidimus, ergo & hi quo-
que in excommunicationem inci-
dent. argument. l. illud. si ad leg.
Aquila.

Postremo in interdictum hoc
vniuersitas non incidit in casibus
in antecedenti parte propositis,
utpote ubi supplicaret, nam id sie-
xi posse antea conclusimus.

3. At quid si vniuersitas non ap-
pellet, sed appellanti fauorem, au-
xilium ve præstet, an in interdi-
ctum hoc incidet? Hoc enim Bul-
la non dicit. Ego tamen censeo &
in hoc casu in interdictum ipsam
incidere, nam una pars legis alia
declarat, & antecedentia conse-
quentia. argument. l. si seruus plu-
rium. §. fin. de legat. i. at supra sin-
gulares personæ auxilium, fauore
remve præstantes in excommuni-

cationem incidunt, ut supra vidi-
mus, ergo & vniuersitas interdi-
cto subiacebit. Præterea hoc tacite
habetur in Bulla Pii Secundi, nā,
ut ibi ait, qui scienter consilium,
auxilium, fauorem ve talibus de-
derint, pari poena pleuantur. Ad-
do id in sequenti versiculo habe-
ri. Hæc ibi, si ergo vult ibi Bulla,
ut qui auxilium, fauorem ve præ-
stiterint, pari poena puniantur, si-
cuc appellantes: ipsi appellantes,
si singulares personæ sint, in exco-
municationem incident, si vni-
uersitates in interdictum, ergo ex
his patet & hic in interdictum v-
niuersitatem incidere. Accedit
postremo & mens Romani Pon-
tif. & fauor Apostolicæ sedis, ex
quibus omnibus & in hoc casu v-
niuersitates in interdictum hoc in-
cidere concludo, sed de hac parte
hactenus: iam ad postremam ve-
niamus.

Vers. Nec non eos, quorum
auxilio, vel fauore appel-
latum fuerit.

S V M M A.

2. Fauorem, auxilium ve præstans appel-
lanti ad futurum concilium, in excom-
municationem incident, que regula etiā
declaratur.

Hic excommunicatur etiam,
qui auxilium, vel fauorem
præ-

præstiterunt, quo ad futurum cōcilium a Romano Pontif. appellatur, quam rem ut dīlucidiorem habeamus, tria præmittēda sunt. Primum quis auxilium præbere dicatur. Alterum quis fauorem præstare. Tertium, an hæc præstas statim in excommunicationem incidat, an post appellationem se cutam.

Quoad primam quæstionem igitur auxilium præstare is dicitur, qui aut re, aut verbis opem ei fert. Re præstando ei pecuniam, quo satisfaciat consiliariis, aduocatis, tabelliouibus, & huiusmodi, quorum opera ad appellationem hanc faciendam vtitur, item tabellio, qui scribit hanc appellationem. Verbis, qui ei consiliū dat, quomodo formanda sit ap- latio, intra quod tempus sit interponenda, & eanī licet fieri posse. Item, qui ei, vt testis interest. Quare ob id aduocati, tabelliones, testesque qui ad actionem hāc suas operas præstant, auxilium præsta re dicentur, vt habetur in Bullis Pii Secundi, & Iulii Secundi iam citatis in prima parte huins capi tis.

Quoad secundam, fauorem præ stare quis dicitur, qui ratione alia hos appellantes adiuuat, vt po te ipsos apud se habendo, associā do, ne quis eos offendat, litteris apud alios eos commendando, & id generis, vt alibi etiam supra diximus.

Quoad tertiam, breuiter con-

cludendum est in excommunicati onem hanc non incidere, nisi appellatio secuta sit, ob verbum illud, Appellatū fuerit, quod præ teritum perfedum cum sit, rem perfectam significat. argumen eo rum, quæ dixit Glo. in capitu. qui cunque. §. 1. in verb. Innotetur. de hæret. lib. 6. Quamuis per Bul lam Iulii Secundi comprehendā tur etiam, qui solum id fieri lice re coulsuerit, & sic esto appella- tio secut: non s: t, quod etiam not. Caieta. in Summ. in verb. Excom munication. capit. 25. & Martinus Alfons. de Viualdo in Candelab. in 2. p. in explanatione Bullæ Cœ næ Domini. cas. 2. num. 19. His sic præmissis, iam regulam de more ponamus.

In excommunicationem hanc 1 igitur incident ii, quorum auxilio, vel fauore a Romano Pontif. ad concilium futurum appellatū fuerit, vt habetur in versicul. proposito. Quæ excommunicatio afficit vel re, vel verbis hęc præstet, nam Bulla non distinguit, ergo nec nos distinguere debemus. ar gument. l. de pretio. ff. de publ. in rem act.

Secundo excommunicatio hęc afficit non solum, qui hæc præstant in ipsa appellatione, vt potest si eam scribant, si vt testes interficiunt, verum etiam etsi antea ad id opem tulerunt, nam & ob eam rem Aduocatos, tabelliones, tes- stes comprehendi proxime diximus.

H Po-



Postremo vel per se, vel per alios id agant, & hoc ob eadem rationem, quoniam Bulla non distinguit.

Exciuntur tamen nonnulli, qui penam hanc evadunt, nam primo qui consultit, ut appellatur, in excommunicationem tamen hanc non incidit, si appellatum non sit, quandoquidem Bulla haec perfectum postulat, ut prædiximus, ob verbū illud appellatum fuerit, atque sic dixit Nauar. in Man. capitu. 27. numer. 58. ver. sicut. Tertia, & Jacob. de Graff. lib. 4. decis. cas. consci. in expositione Bullæ Cœnæ Domini, capitul. 27. numer. 47. quamvis incidat in excommunicationem Bullæ Iulii Secundi, & Tolet. in Bulla Cœnæ Domini, capitulo 10. numero quinto.

Secundo in excommunicationem hanc non incidit, qui probabilitate haec ignorans fecit, ut potest rusticus testis adhibitus est ad appellationem interponendam, vel associatus est eum, qui ibat ad appellandum, etenim ignorantia huiusmodi probabilis excusat, argumen. capi. Apostolica. de cler. excomm. min. & capit. fin. de consitu. lib. 6. Præterea hoc probatur per Bullam Pii Secundi, vbi excommunicantur, qui scienter haec fecerint, ergo fecus, si ignoranter, atque idcirco, & in casu nostro idem dicendum, vna enim lex aliam declarat, & veterius recentem. argumen. leg. non est nouum,

cum duabus seq. ff. de leg. Sed de hoc Capite satis, ad aliud veniamus.

De excommunicatione lata contra Piratas, eorumque Fautores.

Cap. III. I.

Item excommunicamus, & anathematizamus omnes Piratas, Cursarios, ac latrones Maritimos, discurrētes Mare nostrum, præcipue a Monte Argentario usque ad Terracinam; Ac omnes eorum fautores, receptatores, Defensores.

S V M M A.

Piratæ quinam sint, & unde dicti.

IN hoc capite excommunicantur Piratae, eorumque fautores. Dividitur autem in duas partes, quarum secunda incipit ibi, Ac omnes eorum fautores. De prima igitur agamus, quam ut diligidiorem habeamus, duo prætenduntur sunt. Primum quinam Piratae, Cursarii, ac latrunculi maritimi sint. Deinde, an iure antiquo punirentur.

Quoad primum igitur + sciendum

